



Ministarstvo dijaspore

Br: 04/2-1-910/25-893/1

19. jun 2025. godine

Za: Arhiva Generalnog sekretarijata Vlade, Vlada Crne Gore

Predmet: Izvještaj radne posjete ministra dijaspore Mirsada Azemovića Bosni i Hercegovini, 12-14. juna 2025. godine

Destinacija: Sarajevo, Bosna i Hercegovina

Delegaciju predvodio: ministar dijaspore Mirsad Azemović

Članovi delegacije:

- 1) Ajla Dervišević, načelnica u Direkciji za saradnju sa dijasporom u Regionu i Evropi;
- 2) Tonko Nišavić, samostalni referent.

Delegacija Ministarstva dijaspore, predvođena ministrom Mirsadom Azemovićem, u periodu od 12. do 14. juna 2025. godine boravila je u radnoj posjeti Bosni i Hercegovini, na poziv Fondacije „Duljević“, povodom učešća na Privrednom samitu „Perspektive privrednog razvoja i prekogranične saradnje“, koji se održao 13. i 14. juna 2025. godine u Sarajevu.

Ministar Azemović se obratio na svečanom otvaranju, gdje je istakao ključnu ulogu dijaspore u ekonomskom razvoju zemlje i poručio da je ona moćan resurs znanja i kapitala. Dodatno, najavio je niz inicijativa usmjerenih ka jačanju veza između domaćih institucija i privrednika iz dijaspore, kao i podršku povratku visokokvalifikovanih stručnjaka.

Azemović je bio i jedan od učesnika panela „Energetska infrastruktura i solarni paneli: izazovi za investitore“, gdje se govorilo o regionalnoj saradnji i gdje je istaknuta uloga koju ima dijaspora u razvoju regiona.

Samit je organizovan od strane Fondacije „Duljević“ i Privredne komore Federacije Bosne i Hercegovine, uz podršku Ministarstva privredne Kantona Sarajevo i pod pokroviteljstvom Grada Sarajeva. Zemlja partner ovogodišnjeg samita je Ambasada Republike Slovenije u Bosni i

Hercegovini. Samit je okupio istaknute predstavnike javnog i privatnog sektora, donosiocce odluka, stručnjake i akademsku zajednicu s ciljem otvaranja dijaloga o ključnim pitanjima regionalnog razvoja, ekonomskog povezivanja i inovativnih modela saradnje.

U sklopu ove radne posjete, ministar Azemović sastao se sa ministrom privrede Zeničko-dobojskog kantona Samirom Šibonjićem. Sastanak je upriličen s ciljem jačanja međusobne saradnje između Crne Gore i Bosne i Hercegovine, s posebnim fokusom na potencijal dijasporu u razvoju ekonomskih i društvenih projekata u obje zemlje. Tokom sastanka razgovarano je o konkretnim modelima saradnje između dva ministarstva, razmjeni dobrih praksi u radu sa dijasporom, kao i mogućnostima zajedničkog djelovanja u oblasti privrede, investicija i održivog razvoja.

Dodatno, ministar Azemović sastao se i sa predstavnicama Foruma žena Udruženja građana porijeklom iz Sandžaka, koji imaju za cilj podizanje svijesti javnosti o rodnoj ravnopravnosti, osnaživanju žena za učešće u javnom i političkom životu, sprovode brojne humanitarne aktivnosti, te rade na intitucionalnom rješavanju mnogih problema i izazova s kojima se susrijeću pripadnici naše dijasporu u Bosni i Hercegovini. Tokom sastanka informisani su o aktivnostima Ministarstva dijasporu i mogućnostima saradnje na projektima koji bi se mogli realizovati kroz zajedničko djelovanje.

ZAKLJUČAK:

Vlada Crne Gore je na sjednici održanoj _____ 2025.godine razmotrila i utvrdila **Izveštaj radne posjete ministra dijasporu Mirsada Azemovića Bosni i Hercegovini, 12-14. juna 2025. godine.**

Delegaciju Ministarstva dijasporu činili su:

- **Mirsad Azemović**, ministar;
- **Ajla Dervišević**, načelnica u Direkciji za saradnju sa dijasporom u Regionu i Evropi;
- **Tonko Nišavić**, samostalni referent.

Troškove radne posjete snosilo je Ministarstvo dijasporu.